



世說新語補卷第四

宋 劉義慶

撰

梁 劉孝標

注

宋 劉辰翁

批

明 何良俊

增

王世貞 刪定

王世懋 批釋

張文柱 校注

言語下



殷仲文 續晉陽秋曰。仲文。字仲文。陳郡人。祖融。太常。父康。吳興太守。仲文為桓玄咨議

參軍。時王謐見禮而不親。卞範之被親而少禮。其寵遇隆重。兼於王卞矣。玄篡位。以佐命親貴。

輿馬器服。窮極綺麗。妓妾數十。絲竹不絕音。性甚貪吝。多納賄賂。家累千金。常若不足。玄敗。先

授義軍。遷侍中。尚書。以罪伏誅。勸宋武帝畜伎。帝曰。我不解聲。

仲文曰。但畜自解。帝曰。畏解。故不畜。 宋書曰。帝姓劉氏。諱

裕。受晉禪。清簡寡慾。未嘗視珠玉輿馬之飾。後庭無統綺絲竹之音。在位三年。

王韶之。少家貧而好學。嘗三日絕糧。執卷不輟。

家人謂之曰。困窮若此。何不耕。王徐答曰。我常

自耕耳。 沈約宋書曰。王韶之。字休泰。瑯琊臨沂人。曾祖廙。晉驃騎將軍。祖羨之。鎮軍掾。

父偉之。郎中令。韶之家貧。父為烏程令。因居縣境。好史籍。博涉多聞。初為衛將軍謝琰行參軍。

戴仲若。春日携雙柑斗酒。人問何之。答曰。往聽

黃鸝聲。此俗耳。 宋書曰。戴顓。字仲若。譙郡銓人。

戴逵子也。

宋世祖 宋書曰。帝名駿。嘗賜謝中書寶劍。日謝

莊。字希逸。陳郡陽夏人。太常弘微子也。七歲能屬文。仕至光祿大夫。卒。謚憲子。南史曰。莊韶令

美風儀。宋文帝見而異之。謝以與魯豫州送別。曰。藍田生玉。豈虛也哉。

宋書曰。魯爽。小名女生。扶風郿人。祖宗之。父軌。爽少有武藝。世祖以為左軍將軍。都督豫州諸

軍事。與南郡王義宣作逆。薛安都臨陣刺爽。傳首京都。後魯作逆。世祖嘗

世說新語

卷四

一

因宴集。問劍所在。謝曰：昔與魯爽別，竊為陛下

柳郵之賜。世祖大悅。史記曰：秦攻趙邯鄲，武安君不肯行，於是免武安君

為士伍，遷之陰密。至杜郵，使使者賜之劍自裁。

元凶篡立。宋書曰：元凶劭，字休遠，文帝長子也。與始興王濬同謀弒逆。世祖入討，劭

伏以顏延之為光祿大夫。沈約宋書曰：顏延之，字延之，瑯琊人。晉光

祿大夫，含之曾孫，好讀書，無所不覽。文章之美，冠絕當時。吳國內史劉柳以為行軍參軍，後為

秘書監。先是，延之子竣為世祖參軍，及義師入討，竣參定密謀，兼造書檄，劭召延之，示以檄文，問

曰：此筆誰所造？延之曰：竣之筆也。問何以知之？

延之曰：竣筆體，臣不容不識。又問：言辭何至乃

爾？延之曰：竣尚不顧有老父，何緣復有陛下？劭

意遂釋。姓氏英賢錄曰：顏竣，字士遜，延之長子也。少有令譽，為宋孝武撫軍主簿，甚被

知遇。竣盡心補益，孝武鎮尋陽，遷南中郎，記室及文帝崩，問至，孝武舉兵入討，轉諮議參軍，領

軍錄事。

謝孺子特善聲律。南史曰：孺子，陳郡陽夏人。祖景仁，左僕射，父恂，鄱陽太守。

孺子少與族兄莊齊名，多藝能。尤善聲律，家貧，求為西陽太守。

與王車騎張宴

桐臺，孺子吹笙，王自起舞，既而歎曰：真使人飄

飄有伊洛間意。南史曰：王或，字景文，與明帝諱同，故以字行。祖穆，司徒謚之長

子。

子晉好

伊洛遇浮

成仙王意飄

飄欲仙也

兄。父僧朗。尚書。景文美風姿。好言理。少與謝莊齊名。為從叔球所知。

王侍中嘗因侍宴。南史曰。王份。字季文。瑯琊人。祖僧朗。宋尚書僕射。父粹。黃

門侍郎。份歷官侍中。丹陽尹。高祖問群臣。朕為有為無。侍中

答曰。陛下應萬物為有。體至理為無。梁書曰。帝姓蕭氏。諱

衍。代齊。立四十八年而崩。

蕭引書法道逸。南史曰。蕭引。字叔休。南蘭陵人。曾祖思話。祖惠休。父介。並有名。

引方正有器度。聰敏博學。善屬文。仕梁。位西昌侯。主簿。侯景之亂。南奔嶺表。北還。拜尚書金部

侍郎。陳宣帝嘗指其署名。語諸人曰。此字筆勢翩翩。似鳥之欲飛。引答曰。此乃陛下假其羽毛。陳書

書

曰。帝名頊。始興王子。臨海王廢。乃承大統。

徐孝穆使魏。魏人授館宴賓。是日甚熱。主客魏

收嘲孝穆曰。今日之熱。當由徐常侍來。南史曰。徐陵。字

孝穆。東海郟人。徐摛子也。母臧氏。夢五色雲。化為鳳。集左肩上。已而誕陵。十三。通老莊義。及長。博涉史籍。美文辭。官至

中書監。領太子詹事。孝穆從容答曰。前王肅

至此。為魏始制禮儀。今我來聘。使卿復知寒暑。

北史曰。王肅。字恭懿。瑯琊沂人。父真。齊雍州刺史。肅少聰辯。涉獵經史。頗有大志。位秘書丞。

父真。為齊武帝所殺。肅自建鄴來奔。孝文虛衿待之。引見問故。肅辭義敏切。辯而有禮。帝甚哀

惻之。官散騎常侍。揚州刺史。

**魏佛助** 北史曰魏收字伯起小字佛助鉅鹿下曲陽人少機警不持細行隨父在邊好

習騎射後折節讀書以文華顯除太學博士至中書監 **盛譽盧思道** 北齊書曰

盧思道字子行聰爽俊辯年十六中山劉松為人作碑以示思道思道多所不解乃感激讀書

師事邢子才後復為文示松松乃不能甚解因就魏收求異書才學兼著然不持操行好輕侮

人天保中魏史成思道多所非毀由是再被答辱落泊不調楊遵彥薦於朝詳得司空行參軍

兼散騎侍郎 **以詢祖為不及詢祖曰見未能高飛者**

**借其羽毛知逸勢冲天者剪其翅翮** 李百藥齊書曰盧詢

祖范陽涿人祖父偉封大夏男父恭道蚤卒詢祖襲爵有術學文辭華美為後生之後舉秀才

官司徒記室

**薛道衡嘗遊鍾山開善寺** 隋書曰道衡字玄卿河東汾陰人六歲而

孤專精好學及長才名益著河東裴獻目之曰

君矣官至 **謂一沙彌曰金剛何為努目** 法苑珠林云西

司隸大夫 **方有神人相貌猗猗身披金甲手持寶** **菩薩**

乃名曰金剛嘗衛世尊說法于雷音寺 **何為低眉** 金剛經註云菩薩猶儒者仁人君子之

稱 **沙彌答曰金剛努目所以降伏四魔** 婆娑論問云何

故名魔答曰斷慧命故名魔復次常行放逸害

自身故名魔淨印法門經云以無所為心印降

諸魔當知有四一者蘊魔二者 **菩薩低眉所以**

煩惱魔三者死魔四者天魔 **慈悲六道** 華嚴經云六道皆有罪過謂天道人道魔道地獄道餓鬼道畜生道

衡憮然稱善。

楊遵彥

北史曰。楊情。字遵彥。弘農華陰人。楊津子也。小名秦王。兒童時。口若不能言。而風度深敏。六歲舉史書。十一受詩易。好左氏春秋。仕至開府儀同三司。尚書右僕射。典選

時以六十人為一甲。楊令其自叙訖。不省文簿。

便次第呼之。嘗誤以盧士深為士琛。士深自言

其名。遵彥曰。盧郎。朗潤。所以加玉。

三國典畧曰。東魏以楊情

典選。情。令選人自敘。不省文簿。次第呼之。嘗誤呼慕容為長孫。一人而已。有選人魯漫。漢自言

微賤。不蒙記。情曰。卿前在元子思坊。乘驢遙見我。不下。以方麴障面。我何不識卿邪。漫漢驚服。

北使李諧至南。

北史曰。李諧。字虔和。父平。尚書僕射。諧幼有風采。趙郡李搔嘗

見之。曰。領軍門下。見一神人。襲爵彭城侯。歷位中書侍郎。天平末。魏欲與梁和好。以諧聘焉。梁武謂左右曰。卿輩嘗言。此間都無人物。此等何處來。梁武與之遊歷。至放生處。帝問曰。彼國亦放生否。諧答曰。不取亦不

放。帝大慚。

郡國志曰。潤州長命洲。梁武帝放生處。

賈思伯至。性謙和。遇士大夫。雖在街道。停車下

馬。接誘。恂恂。曾無倦色。客曰。公今貴重。寧能不

驕。思伯曰。衰至。便驕。何常之有。當時以為雅言。

北史曰。賈思伯。字仕休。齊郡益都人。與弟思同師事北海陰鳳。業竟。無資。鳳質其衣物。時人為之語曰。陰生讀書不免癡。不識雙鳳脫人衣。思伯累遷中書侍郎。為孝文所知。

世說補 卷四  
潘師正居嵩山逍遙谷高宗召問所須師正對

曰臣所須者茂松清泉山中不乏唐書曰潘師正趙州贊皇

人少以孝聞大業中度為道士師事王知遠清淨寡欲居嵩山積二十年但服松葉飲水而已

卒贈體元先生

田游巖頻召不出高宗幸嵩山親至其門游巖

野服出拜儀止謹樸帝問先生比佳否游巖對

曰臣所謂泉石膏肓煙霞痼疾唐書曰田游巖京兆三原人初

補太學生後罷歸遊太白山遇林泉會意留連不能去母及妻子並有方外之志同遊山水二

十餘年後入箕山就許由廟東築室而居帝後營奉天宮游巖先居宮側特令勿毀仍題曰處

上田游巖宅

天后嘗召徐有功唐書曰徐有功國子博士文遠孫也舉明經除蒲州司法

參軍為政寬仁不行杖罰吏人感其恩信遞相約曰若犯徐司法杖者衆斥罰之由是終於代

滿不戮一人責之曰公比斷獄多失出何邪有功答

曰失出臣小過好生陛下大德劉餗隋唐嘉話曰徐大理有功

見武后將殺人必據法廷爭嘗與后反覆辭色愈厲后大怒令拽出斬之猶廻顧曰臣雖死法

終不可改至市臨刑得免除名為庶人如是再三終不挫折朝廷倚賴至今懷之其子預選有

司皆曰徐公之子豈可拘以常調者乎

陸羽宋初隱逸傳曰陸羽字鴻漸一名疾字季疵復州竟陵人不知所生有僧得諸水濱

既長以易自筮得蹇之漸曰鴻漸於陸其羽可用為儀乃以陸為氏名而字之隱都溪自稱桑翁闔門著書或獨行野中誦詩擊木非問張徊不得意或慟哭而歸時謂今接輿也

志和孰與往來志和曰太虛為室明月為燭與

四海諸公共處未嘗少別何有往來唐詩紀事曰張志和

字子周婺州人母夢楓生腹上而產志和十六擢明經肅宗時貶南浦尉不復仕居江湖自稱

煙波釣徒著玄真子兄鶴齡思其遁世為築室越州東郭與陸羽往還李德裕稱志和隱而有

名顯而無事不窮不達嚴光之比云

寇萊公鎮大名北使至語寇曰相公望重何故

不在中書寇曰主上以朝廷無事北門鎖鑰非

準不可寇萊公遺事曰公諱準字平仲華川人太宗幸魏公年十六以父陷蕃上書行

在辭色激昂舉止無畏上壯之命有司記姓名後二年進士及第寢以貴顯

王荆公作相裁損宗室恩數宗子相率馬首陳

狀云均是宗廟子孫那得不看祖宗面荆公厲

聲曰祖宗親盡亦祧何況賢輩於是皆散去五朝

名臣言行錄曰王安石字介甫撫州人位至丞相左僕射封荆公追贈舒王

王介甫嘗見舉燭因言佛書有日月燈光明佛

燈光豈得配日月呂吉甫曰日昱乎晝月昱乎

夜燈光昱乎晝夜日月所不及其用無差別介

甫大以為然。東都事畧曰。呂惠卿字吉甫。泉州晉江人。為集賢校勘。王安石領制

置三司條例司。以惠卿為檢詳。安石去位。薦為參知政事。

馮當世知并州。東都事畧曰。馮京字當世。鄆州江夏人。初雋邁不羣。舉進士。自

鄉選至廷對。俱第一。宰相富弼京之婦翁也。京知制誥日。韓琦為相。京數月不一見。琦謂其傲

以語弼。弼使往見之。京曰。公為宰相。而京不妄請公者。乃所以重公也。豈傲哉。官參知政事。謚

文簡。以書寄王平甫曰。并門歌舞妙麗。閉目不窺

日以談禪為上。平甫答曰。若如所論。未達禪理。

閉目不窺。已是一重公。按。王介甫撰王平甫志曰。安國字平甫。臨川

人。熙寧間。歷官大理寺丞。

黃太史云。士大夫三日不讀書。則理義不交於

胸中。便覺面貌可憎。語言無味。山谷年譜曰。公諱庭堅。字魯直。

分寧人。治平丙午。赴鄉舉。詩題出野無遺賢。廬陵李詢讀先生詩。中兩句云。渭水空藏月。傅巖

深鎖煙。擊節稱賞云。此人不惟文理冠場。異日當以詩名擅四海。遂膺首選。歷官著作佐郎。兼

史館

### 政事

陳仲弓為太丘長。有劫賊殺財主。主者捕之。未

至發所。道聞民有在草不起子者。回車往治之。

主簿曰。賊大宜先按討。仲弓曰。盜殺財主。何如

骨肉相殘。按後漢時賈彪有此事。不聞寔也。

孔君魚為姑臧長。清儉逼下。有譏之者。答曰。奮

身處脂膏。不能自潤。東觀漢記曰。孔奮字君魚。扶風茂陵人。守姑臧長。唯

老母極膳。妻子但食葱菜。

龐仲達為漢陽太守。司馬彪續漢書曰。龐參字仲達。河南緱氏人。官至太

尉。郡人任棠有奇節。隱居教授。仲達到。先候之。

棠不交言。但以薤一大本。水一盃。置戶屏前。自

抱孫兒伏於戶下。主簿白以為倨。仲達思其微

意。良久曰。棠是欲曉太守。水者欲吾清。拔大本

薤者。欲吾擊強宗。抱兒當戶。欲吾開門恤孤也。

歎息而還。仲達在職。抑強助弱。果以惠政得民。

後漢書曰。永壽中。太尉黃瓊上疏曰。伏見處士巴郡黃錯。漢陽任棠。年皆耆耄。有作者七人之志。宜見引致。助崇大化。詔公車徵。棠竟不至。

任延為會稽都尉。時年十九。迎官驚其壯。及到。

靜泊無為。唯先遣饋禮祠延陵季子。范曄後漢書曰。任延

字長孫。南陽宛人。年十二。為諸生。學於長安。明詩易春秋。顯名太學。學中號為任聖童。更始中。以大司馬屬。拜會稽都尉。

孔文舉在北海時。教高密令曰。志士鄧子然告

困馬得愛釜廩之間。以傷烈士之心。與豆三斛。後乏復言。

賀太傅作吳郡。初不出門。吳中諸強族輕之。乃

題府門云。會稽雞不能啼。環濟吳紀曰。賀劭字

齊。父景。並歷美官。劭歷散騎常侍。出為吳郡太守。後遷太子人傳。賀聞故出行

至門反顧。索筆足之曰。不可啼。殺吳兒。於是至

諸屯邸。檢校諸顧。陸夜使官兵。及藏逋亡。悉以

事言上。罪者甚眾。陸抗時為江陵都督。吳錄曰。抗字幼

節。吳郡人。丞相遜子。孫策外孫也。故下請孫皓。為江陵都督。累遷大司馬。荆州牧。

王去質公雅士恐不當爾

劉云謂以此故下者不成語

然後得釋。

山司徒前後選。殆周遍百官。舉無失才。凡所題

目。皆如其言。唯用陸亮。是詔所用。與公意異。爭

之不從。亮亦尋為賄敗。晉諸公贊曰。亮字長興。河內野王人。太常陸又

兄也。性高明而率至。為賈充所親待。山濤為左

僕射。領選。濤行業既與充異。自以為世祖所敬。選用之事。與充咨論。充每不得其所欲。好事者

說充。宜授心腹。人為吏部尚書。參同選舉。若意不齊。事不得諧。可不召公與選。而實得敘所懷。

充以為然。乃啓亮公忠無私。濤以亮將與已異。又恐其協情不允。累啓亮可為左丞相。非選官

才。世祖不許。濤乃辭疾還家。亮在職。果不能允。坐事免官。

世說補 卷一百一十一

劉云也是無書不  
當入故事

王安期為東海郡。小吏盜池中魚。綱紀推之。王

曰。文王之囿。與眾共之。孟子曰。齊宣王問文王

是其大乎。對曰。民猶以為小也。王曰。寡人之囿

方四十里。民猶以為大。何邪。孟子曰。文王之囿

芻蕘者往焉。與民同之。民以為小。不亦宜乎。今

王之囿。殺麋鹿者如殺人罪。是以四十里為宰

於國中也。民以池魚復何足惜。

嵇康被誅後。山公舉康子紹為秘書丞。山公啓

選秘書丞。濤薦曰。紹平簡溫敏。有文思。又曉音

當成濟也。猶宜先作秘書郎。詔曰。紹如此。便可

為丞。不足復為郎也。晉諸公贊曰。康遇事後二

十年。紹乃為濤所拔。王隱晉書曰。時以紹父康

被法。選官不敢舉。年二十八。山濤紹咨公出處

啓用之。世祖發詔以為秘書丞。

竹林七賢論曰。紹舉不自

容。將解褐。故咨之於濤。公曰。為君思之久矣。

天地四時。猶有消息。而况人乎。王隱晉書曰。紹

才。山濤啓。

武帝云云。

王丞相拜揚州。賓客數百人。並加露接。人人有

說色。唯有臨海一客。姓任。語林曰。任名顯。時

數胡人為未洽。公因便。還到過任邊。云。君出臨

海。便無復人。任大喜悅。因過胡人前。彈指云。蘭

閣。蘭閣群胡同笑。四坐並懼。

晉陽秋曰。王導接

雖疎。交常實。一見多輸寫教

誠。自謂為導所遇。同之舊暱。

王安期作東海郡吏錄一犯夜人來王問何處來云從師家受書還不覺日晚王曰鞭撻甯越以立威名恐非致理之本呂氏春秋曰甯越者中年鄙人也苦耕稼之勞謂其友曰何為可以免此苦也其友曰莫如學也學三十歲則可以達矣甯越曰請以十五歲人將休吾不敢休人將臥吾不使吏送令歸家

陸太尉詣王丞相咨事過後輒翻異王公怪其如此後以問陸陸玩別傳曰玩字士瑤吳郡吳人祖瑄父英仕郡有譽玩器量淹雅累遷侍中尚書左僕射尚書令贈太尉陸曰公長民短臨時不

劉云民乃自稱之辭

知所言既後覺其不可耳

丞相嘗夏月至石頭看庾公庾公正料事丞相

云暑可小簡之庾公曰公之遺事天下亦未以

為允殷羨言行曰王公薨後庾冰代相網密刑峻羨時行遇收捕者於途慨然歎曰丙吉

問牛喘似不爾嘗從容謂冰曰卿輩自是綱目

不失皆是小道小善耳至如王公故能行無理

事謝安石每歎詠此唱庾赤玉曾問羨王公治

何似詎是所長羨曰其餘令績不復稱論然三

丞相末年畧不復省事正封籙諾之自歎曰人

言我憤憤後人當思此憤憤

徐廣歷紀曰導阿衡三世經綸夷險

劉云當其時或自有見以為政事法則不可

政務寬恕。事從簡易。故手遺愛之譽也。

陶公性檢厲勤於事。晉陽秋曰。侃練核庶事。勤務稼穡。雖戎陳武士。皆勸厲之。有奉饋者。皆問其所由。若力役所致。權言

憫賜。若他所得。則呵辱還之。是以軍民勤於農稼。家給人足。性纖密。好問。頗類趙廣漢。嘗課營

種柳。都尉夏施盜拔武昌郡西門柳。侃後自出。駐車施門。問此是武昌西門柳。何以盜之。施

惶怖首伏。三軍稱其明察。侃勤而整。自強不息。又好督勸於人。常云。民生在勤。大禹聖人。猶惜

寸陰。至於允俗。當惜分陰。豈可遊逸。生無益於時。死無聞於後。是自棄也。又老莊浮華。非先王

之法言。而不敢行。君子當正其衣冠。攝以威儀。何有亂頭養望。自謂宏達邪。中興書曰。侃嘗檢

校佐吏。若得樗蒲博奕之具。投之曰。樗蒲老子入胡所作。外國戲耳。圍棋堯舜以教愚子。博奕

紂所造。諸君國器。何以爲此。若王事之暇。患邑

風  
愛柳固是家

劉云謂就連竹根  
爲為篙以代鐵足

劉云一日萬機正  
發連

王云簡文能言謝  
安石以爲惠帝之  
流其當坐此

邑者。文士何不讀書。武士何不射弓。談者無以易也。作荊州時。勅船官悉

錄鋸木屑不限多少。咸不解此意。後正會。值積

雪始晴。聽事前除。雪後猶濕。於是悉用木屑覆

之。都無所妨。官用竹。皆令錄厚頭積之如山。後

桓宣武伐蜀。裝船悉以作釘。又云嘗發所在竹

篙。有一官長連根取之。仍當足。乃超兩階用之。

簡文爲相。事動經年。然後得過。桓公甚患其遲。

常加勸勉。太宗曰。一日萬機。那得速。尚書臯陶

機。孔安國曰。幾微也。

言當戒懼萬事之微。

王劉與林公共看何驃騎。晉陽秋曰。何充字次道。廬江人。思韵淹通。

有文義才情。累遷會稽內史。侍驃騎看文書不中。驃騎將軍揚州刺史。贈司徒。

顧之。晉陽秋曰。何充與王蒙劉惔。王謂何曰。我好尚不同。由此見譏於當世。

今故與林公來相看。望卿擺撥常務。應對玄言。

那得方低頭看此邪。何曰。我不看此。卿等何以

得存。諸人以爲佳。

何驃騎作會稽。虞存弟審作郡主簿。孫統存誅敘曰。存字

道長。會稽山陰人也。祖陽散騎常侍。父偉。州西曹。存幼而卓拔。風情高逸。歷衛軍長史。尚書吏

部郎。范汪棋品曰。審。以何見客勞損。欲白斷常字道真。仕至郡功曹。

客使家人節量。擇可通者。作白事成。以見存。存

時爲何上佐。正與審共食。語云。白事甚好。待我

食畢作教。食竟取筆題白事後云。若得門庭長

如郭林宗者。當如所白。泰別傳曰。泰有人倫鑒識。題品海內之士。或在

幼童。或在里肆。後皆成英彥。六十餘人。自著書一卷。論取士之本。未行。遭亂亡失。

處得此人。審於是止。

桓公在荊州。全欲以德被江漢。耻以威刑肅物。

温別傳曰。温以永和元年。自徐州遷荊州刺史。在州寬和。百姓安之。令史受杖。正

從朱衣上過。桓式年少。從外來。桓式。桓歆小字也。桓氏譜曰。歆字

温別傳曰。温以永和元年。自徐州遷荊州刺史。在州寬和。百姓安之。

叔道温第三云向從閣下過見令史受杖上捐

雲根下拂地足意識不著桓公云我猶患其重

殷浩始作揚州浩別傳曰浩字淵源陳郡長平人祖識濮陽相父羨光祿勳浩

少有重名仕至揚州刺史中軍將軍中興書曰

建元初庾亮兄弟何充等相尋薨太宗以撫軍

輔政徵浩為揚州從民譽也劉尹行日小欲晚便使左右取

樸人問其故答曰刺史嚴不敢夜行

謝公時兵廝連亡多近竄南塘下諸舫中或欲

求一時搜索謝公不許云若不容置此輩何以

為京都續晉陽秋曰自中原喪亂民離本域江

劉云襟如令人包復之類王云襟被也

劉云此語有可有不可遊手尚可容軍政不可怒也

立大元中外禦強氏蒐簡民實三吳頗加澄檢  
正其里伍其中時有山湖遁逸往來都邑者後  
將軍安方接客時人有於坐言宜糾舍藏之夫  
者安每以厚德化物去其煩細又以強寇入境  
不宜加動人情乃答之云卿所憂在於  
客耳然不爾何以為京都言者有慚色

王東亭與張冠軍善續晉陽秋曰張玄之字祖

以學顯歷吏部尚書出為冠軍將軍吳興太守

會稽太守謝玄同時之郡論者以為南北之望

玄之名亞謝玄時亦王既作吳郡人問小令曰

稱南北二玄卒於郡王既作吳郡人問小令曰

續晉陽秋曰王獻之為中書令王珣代之時人  
謂大小王令珣別傳曰珣字季琰琅琊人丞相  
導孫中領軍洽少子有才藝善行書名東亭作  
出兄珣右累遷侍中中書令贈太常

至云此似非愛兄之言

情好日隆耳。

孔思遠為後軍府長史。雖醉日居多。而曉明政理。醒時判決。未嘗有壅。眾咸曰。孔公一月二十九日醉。勝世人二十九日醒。

劉玄明甚有吏能。歷建康山陰令。政常為天下

第一。南史曰。劉玄明。臨淮人。官至司農卿。後傅翹代為山陰。問玄

明日。願以舊政告新令尹。玄明答曰。我有奇術。

卿家譜所不載。南史曰。傅翹。北地靈州人。祖僧祐。山陰令。父琰。為建康山陰令。

並著能名。二縣謂之傅聖。翹位至驃騎諮議。孔平仲續世說曰。諸傳。理縣譜。子孫相傳。不以

示臨別當以相示。既而言作縣令。唯日食一升

飯而不飲酒。此第一策也。

蘇瓊為清河太守。清慎無私。有沙門道研求謁

意在理債。瓊每見。則談問玄理。道研無由啓口。

弟子問其故。道研曰。每見府君。徑將我入青雲

間。何由得論地上事。遂焚其券。北史曰。蘇瓊。字珍之。長樂武強

人。父備。魏衛尉。瓊隨父在邊。東荊州刺史曹芝署為長流參軍。齊文襄引為刑獄參軍。每加勞

勉。

待理債正自  
有法

楊德幹為萬年令。高宗朝。有宦官恃寵。放鷄不

避人禾稼。德幹杖之二十。悉拔去。鷄頭宦者涕

泣袒背以示帝。帝曰：情知此漢獯，何須犯他。百

姓。宋祁唐書曰：洛陽令楊德幹矜酷烈，殺人以

姓立威。歷澤齊汴相四州刺史。時語曰：寧食三年炭，不逢楊德幹。

宋廣平愛民惜物。朝野歸美。人咸謂有脚陽春。

劉昫唐書曰：宋璟，邢州南和人。其先自廣平徙焉。璟少耿介，有大節。博學攻文翰，弱冠舉進士。

累轉鳳閣舍人。當官正色，則天甚重之。玄宗朝，累官尚書右丞相。封廣平郡公。

玄宗嘗賜酺三日。漢書注曰：漢律，三人以上，無

為惠澤。唐無酺禁。賜酺者，聚作伎樂。高年賜酒麪也。上御五鳳樓，觀者喧

溢，樂不得奏。金吾白挺如雨，不能遏止。上患之。

高力士。唐書曰：高力士，馮盎曾孫也。冒姓高氏。武后勅給事左右。玄宗時，歷進開府儀

同三司。後除籍流巫州卒。奏河南丞嚴安之為理嚴，為人所

畏，請使止之。上從之。安之至，以手板繞塲畫地

曰：犯此者死。於是三日，指其畫以相戒，無敢犯

者。雲溪友議曰：嚴安之定之。昆弟也。安之為長

安戎曹。權過京尹。封氏聞見錄曰：安之為赤縣尉。力行猛政。

開成中，延英奏對李石。唐書曰：石，字中玉，隴西

人。機辯有方，畧尤精吏術。大和三年，為鄭滑行軍司馬。入朝奏事，占對明辯。文帝嘉之。歷官檢校司空平章事。言

嘗西蜀中元日詣佛寺見故劍南節度使韋臯  
圖形百姓至者先拜而後謁佛臣訪於故老皆  
曰方稅重令公輪年全放恩深於蜀今無此惠  
澤追思益城唐書曰韋臯字武臣京兆人貞元  
元年為劍南西川節度使以功加  
檢校司徒中書  
令封南康郡王

李文靖為相東都事畧曰李沆字太初洛州肥  
鄉人父炳侍御史沆沉厚寡言器

度宏遠咸平中拜平章贈中書令謚文靖當太平之際凡有建議

務更張喜激昂者一切報罷曰用此報國湘山  
野錄

曰李公嘗被同年馬亮責之曰外議以兄為無  
口瓠公笑曰吾居政府然無長本但中外所陳

利害一切報罷聊以此補國耳今國家防制纖  
悉密若凝脂苟狗所陳一一行之則所傷寔多

### 文學上

淮南王著鴻烈二十篇楚詞註曰淮南王安博  
雅好古西京雜記曰鴻

大也烈明也言號淮南子自云字中皆挾風霜

之氣揚子雲以為一出一入字直百金漢書曰  
楊雄字

子雲蜀郡成都人好學博覽少著欲家無擔石

之儲晏如也年四十餘遊京師大司馬王音召

為門下史薦雄待詔歲餘為郎中給事黃門

鄭玄在馬融門下融自叙曰融字季長右扶風  
茂陵人少而好問學無常師

大將軍鄧騭召為舍人棄遊武都會羌虜起自  
關以西道斷融以謂古人有言左手據天下之

圖而右手列其喉。愚夫不為。何則。生貴於天下也。豈以曲俗咫尺為羞。滅無限之身哉。因往應之。為校書郎。出三年不得相見。高足弟子傳授而已。嘗算渾天不合。諸弟子莫能解。或言玄能者。融召令算。一轉便決。眾咸駭服。及玄業成。辭歸。既而融有禮樂皆束之歎。玄別傳曰。玄少好經。好天文占候風角隱術。年十七。見大風起。詣縣曰。某時當有火災。至時果然。智者異之。年二十一。博極羣書。精歷數圖緯之言。兼精算術。遂去吏。師故兗州刺史第五元先。就東郡張恭祖受周禮禮記春秋傳周流博觀。每經歷山川。及接顏一見。皆終身不忘。扶風馬季長以英儒著名。玄往從之。參考同異。季長后戚。嫗於待士。玄不得見。住左右。自起精廬。既因紹介得通。時涿

劉云玄所以卜追也。其兆如此。故知其死而不知出於兆道之術也。又云皆其門人互相神聖。所傳不足多辨。王云註駁甚正。

郡盧子幹為門人冠首。季長又不解剖裂七事。玄思得五。子幹得三。季長謂子幹曰。吾與汝皆弗如也。季長臨別。執玄手曰。大道東矣。子勉之。恐玄擅名而心思焉。玄亦疑有追。乃坐橋下。在水上據屐。融果轉式逐之。告左右曰。玄在土下水上而據水。此必死矣。遂罷追。玄竟以得免。馬融海內大儒。被服仁義。何猜忌而行鴆毒乎。委巷之言。賊夫人之子。鄭玄欲注春秋傳。尚未成。時行與服子慎遇。宿客舍。先未相識。服在外車上。與人說已注傳意。漢南紀曰。服虔字子慎。河南滎陽人。少行清苦。為諸生。尤明春秋左氏傳。為作訓解。舉孝廉。為

尚書郎九  
江太守。玄聽之良久。多與已同。玄就車與語。

曰。吾久欲注。尚未了。聽君向言。多與吾同。今當盡以所注與君。遂為服氏注。

鄭玄家奴婢皆讀書。嘗使一婢不稱旨。將撻之。

方自陳說。玄怒。使人曳箸泥中。須臾復有一婢

來。問曰。胡為乎泥中。衛式微詩也。毛公泥中。衛邑名也。答曰。薄

言。往愬。逢彼之怒。衛邶栢舟之詩。

服虔既善春秋。將為注。欲參考同異。聞崔烈集

門生講傳。華虞文章志曰。烈字威考。高陽安平人。駟之孫。環之兄子也。靈帝時。官至

司徒。太尉。封陽平亭侯。遂匿姓名。為烈門人。賃作食。每當

至講時。輒竊聽戶壁間。既知不能踰已。稍共諸

生叙其短長。烈聞。不測何人。然素聞虔名。意疑

之。明蚤往。及未寤。便呼子慎。虔不覺。驚應

遂相與友善。

蔡中郎從朔方還。張璠漢紀曰。蔡邕字伯喈。陳留圉人。六世祖勳。與鮑宣卓

茂。不仕新室。父稜。亦有清白行。謚貞定。續漢書曰。邕通達有雋才。博學善屬文。伎藝術數。無不

精綜。仕至左中郎將。為王允所誅。嘗避怨於吳。顧元歎從學琴

書。顧專一清靜。敏而易教。中郎歎異之。曰。卿必

成致。今以吾名與卿。顧遂名雍。吳志曰。顧雍。字連牧。州郡皆有治迹。歷奉常。尚書令。封陽遂鄉侯。拜侯。還第。家人不知。為人不飲酒。寡言語。孫權嘗曰。顧侯在坐。令人不樂。位至丞相。

陳孔璋草檄文成。以呈曹公。公先苦頭風。是日

疾發。卧讀孔璋所著。翁然而起。曰。此愈我疾。魏

曰。陳琳。字孔璋。廣陵人。避難冀州。表紹使典文章。紹檄文。即琳之辭也。後歸太祖。太祖謂曰。卿昔為本初移書。但可罪狀孤而已。惡惡止其身。何乃上及父祖邪。琳謝罪。太祖愛其才而不責也。

朱公叔耽學專精。銳意講誦。或時思至。不自知

亡。失衣冠。顛墜院岸。其父以為專愚。幾不知馬

之幾足。張璠漢記曰。朱穆。字公叔。南陽宛人。父

穆少有英才。學明五經。性矜嚴。疾惡。不交非類。袁山松後漢書曰。穆著論甚美。蔡邕自至其家。寫之。穆感時澆薄。慕尚敦篤。乃作崇厚論。

王充著論衡成。中土未有傳者。袁山松後漢書

會稽上虞人。幼聰明。詣太學。觀天子臨辟雍。作六儒論。謝承後漢書曰。謝夷吾薦充曰。充之天才。非學所加。雖前世孟軻。孫卿。近世楊雄。劉向。司馬遷。不能過也。蔡中郎到江

東。得之。歎為高文。恒秘觀。以為談助。及還北。諸

公覺其談更遠。檢求帳中。果得論衡一部。袁山松後

漢書曰其後王朗為會稽太守。又得其書。時人稱其才進。或曰不見異人。當得異書。問之。果以論衡之益。抱朴子曰。時人在蔡邕帳中。搜得論衡。捉數卷持去。邕丁寧之曰。唯我與爾共之。勿廣也。

潘元茂 文章志曰潘昂字元茂陳留中都人少

有逸才。獻帝時為尚書郎。遷東海相。未發。拜尚書。左丞。病卒。作魏公冊命 後漢書曰曹操自人謂

與訓誥同風。元茂亡後。王仲宣 別見擅名當時。

便疑此冊是仲宣所為。及晉王為太傅。臘日。大

會賓客。語元茂子滿曰。尊君作魏公冊。高妙。仲

宣亦以為不如人。始信是元茂作。 文多不載

云令人畏至此  
何不為所中

鍾會撰四本論始畢。甚欲使嵇公一見。置懷中。既定。畏其難。懷不敢出。於戶外遙擲。便回急走。

魏志曰會字士季。繇少子也。敏惠夙成。中護軍。遣見濟。濟甚異之。曰。非常人也。及壯。有才數。精

練。明理。累遷黃門侍郎。諸葛誕反。文王征之。會謀居多。時人謂之子房。拜鎮西將軍。伐蜀。蜀平。

進位司徒。自謂功名蓋世。不可復為人下。謂所親曰。我淮南以來。畫無遺策。四海共知。持此欲

安歸乎。遂謀反。見誅。時年四十。嘗論才性同異。傳於世。四本者。言才性同。才性異。才性合。才性

離也。尚書傳。暇論同。中書令李豐。詭異。侍郎鍾會。論合。屯騎校尉王

廣。論離。文多不載。

世說新語補卷第四

